



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600083605S








600083605S








6000836058







MINK MEI 'T ORGEL.

NY FRISK LIETEBOEK

FEN




WALING DYKSTRA.

TO FRIJANTSJER, BY

T. TEL EN G A

1860.

285. 0. 32



MINK MEI 'T ORGEL.

Wise: *Wie zich ook keer' van Libers gaven.*

Kom feinten, fammen allegearre!

Al is mîn jonge tiid foarby,

Dôch lit ik yette sangkjes hearre

Fen frolikheid en fryery;

'k Song iens for 't famke fen mîn sin,

En nou for jimme oer lieafde en min.

'k Mei graech yet oan dy jierren tinke,

Do 'k in de fleur der jongkheid wie;

Do seach ik neat as sinneblinken,

As 'k hiar mar oan mîn side hie,

Dy lang my lokkich makke het;

Dy golle tiid forjit ik net.

O jimme, dy fol blide hope

Yet libje in kleare bare nocht,

Lit baetsucht jimme lok net slope;

As 't hert op lieafde allenne siucht,

Den is de wille net oan de ein,

Al is de jonge tiid forflein.

Sjen den de takomst fry tomielte
 Fol moed, en praet elkoarren bly
 As jimme oan elkoars side sitte,
 Dat is gjin fd'le dromery;
 Opriuchte lieafde blient bistean,
 Hwet stormen oer de holle ek gean.

Ja pearkes, dy op fêste grounen
 Elkoaren namen for hiar kar,
 En 't heechste lok in elkoar founen,
 Dy doar ik riede: weagje 't mar!
 Hia scille bliide dagen sjen,
 Al mat hiar jeugd ek hinne tsjen.

It houlik scil hiar segen skinke,
 Hia scille wis, nei mannich jier,
 Mei nocht yet oan hiar jongkheid tinke,
 Dy sa fol wille for hiar wier;
 Hia scille bliid hiar bringe in 't sin
 Dy golle tiid fen lieafde en min.

O feinten, fammen! 'k winskje jimme
 In houlik sonder neibirou.
 Dus harkje nei de lieafdestemme!
 De jonge tiid forfliucht sa gau;
 Mar. lieafde dy goê wirtels het,
 Wint stadich oan en wilet net.

F R I S L A N .

—
Wise: *O rôlje oer bou en greiden.* (*)

Fen *Frislân* wol ik sionge,
 Dat alde frye lân,
 Dêr altiid alde en jonge
 Riu lok habbe in hiar stân;
 Dêr mannich-ien in 't stille
 Sin libbensdagen slút
 In golle rêst en wille,
 En fen gjin sorgen wît.

Dat lân dêr 'k borte as berntsje,
 Yet freamd fen 't wrallds fortriet,
 Het mannich hoekje en herntsje
 Dêr ik faek nochlik siet.
 Ik scoe dêr fine kenne
 Al mannich plakje groun,
 Dat my wer brocht to binne
 De wille dy 'k er foun.

Dêr wenje folle mensen
 Wêroan ik tink mei niu,
 Dy 'k faker by my winske,
 As 't wêse mocht en koe.
 Dy my bysonder hagen

(*) Dit sangkje mei de musik er by is to finen in de *Swan-
 neblummen* for 1850 en ek ôfsonderlik to keap by de Utjower
 fen 't Selskip: „Foar frysce tael in scriftenkinnisse.”

Troch friske ienfaldichheid,
 En ha my blide dagen
 Sa foar en nei bireid.

Hier klinkt dy alde sprake
 Us altiid yette in 't ear,
 Dy pake bet-oerpake
 Al brûkte in sin petear.
 Ja Friesen, ja wy fine
 Sa folle in 't heitelân,
 Wêrtroch we ús dêr oan bine
 Mei 'n iserfêste bân.

't Is wier, de freamd-sin glûpte
 Hier ek de herten in,
 En mannich Fries bikrûpte
 De sucht nei falske skûn.
 Dôch doare wy fortroue,
 Dat de alde Stânfriese-aerd,
 Wêrop wy hûsen boue,
 Yet net fordilge waerd.

Dy sliuchte riuchte seden,
 Dy lang ús ha bihoed
 For útlânske idelheden,
 Bistean hier yette ont hioed.
 En drege roune Friesen,
 Dy 't friske op *Frîslâns* groun
 Net winskje to forliesen,
 Dy wirde er ek yet foun.

•

Summary

Abstract

Elk-ien mocht Minne lye,
En der wier sa mannich faem,

Dy wol winske dat er kaem;
 Hy scoe gjin blauke krye,
 Wêr hy de ren ek naem.
 Mar yet suver by gjin ien
 Hie de feint in útfal dien.

Hy wier fry,)
 Hy wier bly,) *twa kear.*
 Mar in grapke leit er 't by;
 Hy woe him net forbine
 Troch fêste fryery.

Der wier in aerdich famke
 Fen mar efkes sauntsien jier,
 En dy wier sa gol en blier,
 Sa fleurich as in lamke
 In 't lân by 't maitiid ier.
 En it hert wie hiar sa rom
 En hia kreunde nearne n't om;

En hia sprong)
 En hia song,) *twa kear.*
 Wêr se wier en wêr se gong.
 Hia sei: Wêr scoe 'k oer grine?
 Ik ben mar ienkear jong.

En Tsiamke libbe er hinne
 Mei allike folle nocht
 As in fûgel in de locht,
 Dy sonder sorch to kennen
 Fen toekje op toekje fliucht.
 En sa mannich fryer woe



Hia winske faek in 't stille,
 Dat hy mar by hiar wie.

Dat mocht hiar ringen barre;
 Op in simmer-sneintojoun
 Waerd de fryery bigoun,
 Do by hiar heit en hiarre
 De feint gau ingong feun.
 En hy praette wonder swiet,
 Do 't er by sîn famke siet,

En de faem) <i>twa kear.</i>
Dy fornaem	
Oan hiar sels wol ho 't it kaem,	
Dat sok in lieave fryer	
Hiar hertsje finsen naem.	

En Minne koe 't fornimme,
 Dat al hied er folle kar,
 Sy allenne lôek him mar;
 Hwent in him spriek in stemme,
 Hy koe net bûten hiar.
 En hia fryden snein op snein,
 En al ringen waerd er sein:

Mei dy twa) <i>twa kear.</i>
Stiet it sa,	
Dat hia scille elkoarren ha.	
Ja, sa 'n pear froede herten,	
Dy hearre oan elkoar ta.	

BY DE HAGE.

—

Op in bikende Wisse.

Hier moast ik komme by de hage,
Sei Minke jisterjoune yet;
Hwet het dat famke dôch fortrage,
Dat hia my op hiar wachtsje lit? (*twa kear.*)

Of scoe 'k to foarlik wêse scille,
Troch dat ik sa nei hiar forlang?
'k Hab ommers bûten hiar gjin wille,
En 't wachtsjen is my sok in twang. (*twa kear.*)

De tiid dy liket wol to sloeren,
In omsjen doerret hast in jier.
Biskieden ben 'k op niuggen ûre en
Ik ik stean hier wol in great ketier. (*twa kear.*)

Scoe licht hiar heit ek lonte râke,
En haldt it famke binnen doar?
O, wist er mar ho Minke slûkke,
Hy striek er grif de skoattel foar. (*twa kear.*)

Hy dildt fen hiar gjin fryerye,
Hy seit, se is yet to jong dêr ta;
Mar 'k wit wol, hy mei my net lye,
Omdat 'k gjin rounne skîven ha. (*twa kear.*)

Mar stil! dêr hear ik immen kommen;

Jawol, dat is se grif en fêst.

Wês wolkom, swiete huningblomme!

Ik hab hier wit ho lang al wêst. (*twa kear.*)

Kom fly dy nochlik oan mîn side;

Forbeane biten smeitse swiet.

Hier efter 't beamtegrien biside,

Hier tinke wy om gjin fortriet. (*twa kear.*)

Al mat ûs lieafde tsjinwar lye,

Wy hoopje op betterskip hiernei;

En benn' wy hier, wy patsje en frye,

En slite ûs tiid mei gjin geklei. (*twa kear.*)

Hier in it oansjen fen de stearren,

Hier in de lieaflik stille joun,

Mat neat ûs inlik lok bidearre,

Hwent rêd flucht hier in ûre roun (*twa kear.*)

Wy witte dat wy skiede matte,

Ear 't heit en menke gean to rêst.

Kom Minke, kom den oan mîn herte!

Wy dwaen mei lieafjen nou ûs bêst. (*twa kear.*)

IT FAMKE EN IT ROASKE.

Wife: *Bruintje, Bruintje, stap wat aan.*

Roaske-liea! hwet stietst dêr fris,
 Altiid like prôes en fleurich,
 Altiid helder, altiid geurich,
 Dat it siker wonder is.
 Wêtroch, roaske, sids it my,
 Bliet dîn moayens dy sa by?

Famkeliea! by 't moarntiids-blau,
 As in oar yet leit to sliepen,
 Doch ik gau mîn knopkes iepen
 En ik waskje my mei dan.
 Neat dat mear my glânsjen docht
 As dat ferske kleare focht.

'k Lit my fierder op 'e dei
 Fen mîn griene blêdden dekke,
 As de sinnestrielen stekke,
 Dat my licht oars skeadsje mei.
 Mar, ho 't wierje mei, ik spried
 Geuren om my, fris en swiet.

Sakket wer de sinne in 't wêst,
 Den siuch ik, om leed to myen,
 Gau mîn knopkes ta to kryen,

En ik nim de swiete rêst.
 Hwent de jounloft, leau it fry,
 Is forkeard for dy en my.

Dat is 't hwet ik doch en lit
 Om sa fris en moai to bliuen;
 't Wier net better to biskrieuen,
 Wêrîn dat it kinstke sit.
 Famke, haldste graech dîn glâns,
 Gean den by mîn foarskrift lâns.

KLAES EN OEBLE GRIET.

Wize: Rûpster merke wier in 't lân.

Klaes hie sin oan Oeble Griet;
 Hwent in aerdich fanke wie 't,
 Kreas fen lea en moai fen holle;
 O, hwet tocht er faek en folle:
 Oeble Griet! Oeble Griet!
 'k Woe wol dat ik by dy siet.

Fen de moarntiid ta de joun
 Roan er om as wie 'r net soun;
 Hied er deis sîn eagen iepen,
 Lei er nachts op bêd to sliepen:

Oeble Griet, Oeble Griet
Wier 't, dy in de holle 'm siet.

Oeble Griet wier lang net dom,
Ek in hiar ging wol hwet om.
Kaem hiar Klaes ris op 'e striette,
Of op 't paed soms in 'e miette:
Oeble Griet, Oeble Griet
Mirk oan Klaes wol wêr 't him siet.

Klaes wier gjin onknappe fent
En sin alden hiene splint,
Dêrom tochte Kike folle,
'k Scoe 't mei him wol weagje wolle.
Oeble Griet, Oeble Griet
Hie wol smuchte op Klaes, sa wie 't.

Klaes woe graech ris nei hiar ta,
Mar hy tocht, ho scil 'k it ha?
Scoed er ek in oaren renne?
Scoe 'k de noas ek stiette kenne?
Oeble Griet! Oeble Griet!
Hwet hie 'k den in great fortriet.

Griet fornaem oan 't ien en 't oar,
Klaes wier graech, mar hie gjin doar.
For in blauke is hy biskromme,
'k Mat him hwet tomiette komme.
Oeble Griet! Oeble Griet!
Spin mar tige fin din tried.

Sye hie by hiar de ren,
 En dêr hald' se oars ek wol fen;
 Mar om Klaes oan 't snoer to kryen
 Makke hia 't mar út mei Sye.
 Oeble Griet! Oeble Griet!
 As dy dat tonei ris spiet!

Hia wier op in bêste snein
 Kreas nei Freantsjer merke tein;
 Klaes, dat wist se, scoe dêr hinne,
 Den scoe 't licht hwet wurde kenne.
 Oeble Griet, Oeble Griet
 Ang'le trou, — as Klaes mar biet.

In de Falk seach hy hiar stean
 En do loerke er wakker skean.
 En do makke Wibrens Hearre
 't Gau hwet klear mei hiar togearre.
 Oeble Griet, Oeble Griet
 Foun 't net aerdich, mar hia die 't.

't Fanke tocht, nou ha 'k m'n sin;
 As ik earst mar by him ben
 Hoopje 'k him wol oars to kryen,
 'k Lear him gau de slach fen 't fryen.
 Oeble Griet! Oeble Griet!
 Mienst dat dat sa maklik giet?

Né, dat foel hiar tige tsjin;
 Klaes wist suver nearne fen,

Hie by 't dounsjen heeltiid fouten,
 Doarst net tûtsje en siet sa houten.
 Oeble Griet, Oeble Griet
 Skamme hiar dat se by him siet.

O, hwet foel dy feint hiar ou,
 En hia fiede wakker gau,
 Al bisiet er noch sa felle,
 Hia scoe 'm dêch net habbe wolle.
 Oeble Griet, Oeble Griet
 Woe dat Klaes by beppe siet.

Kike dy biklage hiar
 Oer hiar dwaen, dat wier sa mar.
 Och, ho dom! ik skoud're Sye
 Om dy Klaes oan 't snoer to kryen.
 Oeble Griet, Oeble Griet
 Woe dat Sye by hiar siet.

Het in soxis jild 'en goed,
 Och, hy is en blient in bloed;
 Scoe sîn lompens immen smetse?
 Né, dat ken sîn jild net meitse.
 Oeble Griet, Oeble Griet
 Wit er fen ho 't dêr me stiet.

EALSES KLACHTE.

Maïke! mat ik den forsmachtsje?
 Lit my dôch net langer wachtsje!
 'k Ren hier ommers joun op joun
 Om 'e doar en foar de glêsen.
 Fanke, is dy it hert bifêrsen?
 'k Scoe wol jammerje as in houn.

'k Wit net hwet ik mat bigjinne;
 'k Ren er deis forwesen hinne;
 'k Reitse mîn forstân yet quît.
 'k Mei gjin iten en gjin drinken;
 Mem bigjint om 't slimst to tinken,
 Hwent ik kry in kleur as krît.

Faek seit hia: Hwet skeelt dy, jonge?
 Earen koeste laitse en sionge,
 Nou renste om allik in sûch.
 Kenste 't mei de boerkeye
 Nei dîn sin en winsk net krye,
 Wês den dôch net sa onfôech.

Maïke, nou hwet mat 'k den sidse?
 Mat 'k mîn hert hiar iepen lidse?
 Nê, dêr gean 'k net gau ta oer;
 'k Wol mîn leed allenne drage. —
 'k Ben hwet pînlik in de mage,
 Sids ik den, en siuch hwet sûr.

Om mîn pine den to stillen
 Jowt se my Urbanus-pillen;
 Mar, och hea! hwet helpe dy?
 Maïke, koest mîn lyen fiele,
 O, dîn hert bleau net forstielle,
 Nê, ik wit den helpste my.

Maïke scoeste 't útstean kenne
 Dat my de eagen jimmer renne
 As in weake trienel-tsies?
 Dat ik mei 'n toskramme skine
 In de fodkoer mat forquine,
 Wirde foar mîn dagen griis?

Litste den troch neat dy bûge?
 Is dy 't bloed út de ieren droege?
 Heste in hert fen iken hout?
 'k Wedsje, as ik to langelêste
 Siikje in de alde sleat mîn rêste,
 Dat dîn stegens dy birout.

Mar as Maïke yette langer
 Wille fînt in mîn gesanger,
 En my op 'e tochte haldt;
 'k Wol den ek forgees net lye:
 'k Scil mîn duffels jaske krye,
 Hwent it stiet hier stomme kald.

DE TROUE FAEM.

Wise: *Lieve schipper, vaar mij over-*

Feinten, dy sa los in 't fryen,
 Siikje mei in wiffe sin
 Aller fammen ginst to kryen,
 Sokken dêr hald ik net fen.

Dy fen de ien' nei de oare renne
 Kenne 't swiet der lieafde net.
 'k Set mîn sin op ien allenne,
 Dy op my sîn sinnen set.

Rinse, dy mei fêste trone
 Lang sîn kommen het by my,
 Scil my altiid dierber bliene;
 'k Hoopje dat 'k him ienkear kry.

Koe 'k in rike jonker krye,
 'k Wit wol dat 'k him lang net naem.
 Scoe my greate rikdom flye,
 Wist ik dat er rone op kaem?

Scoe ik Rinse fen my stiette,
 Dy it my sa tige mient?
 O, dat koe hy net forjitte,
 Den wier al sîn wille diend.

En as ik den om my hinne
 Oerfloed, pracht en weelde hie,
 't Scoe gjin lok my bringe kenne,
 As ik fier fen Rinse wie.

Nê! hy boddet, skrept en sparret
 Fol fen hope, dei by dei;
 't Jild dat hy sa by 'n oar garret
 Bringt er my by 't trouen mei.

As wy by 'n oar haldend benne
 Alle beide, oan 't boaskjen ta,
 Kenn' wy aerdich hwet bigjinne,
 Dat wy 't net fen 't minste ha.

Mei ûs al gjin oerfloed barre,
 Lieafde hoedt ûs wis for lêst;
 As wy beide goed ûs warre,
 Benn' wy rîk, dat leau ik fêst.

SELSKIPS-SANGKJE.

Wise: *Laat de glazen vrolijk klinken.*

Lit ûs sionge, bliid fen sinnen,
 Jong en fleurich benne wy;

As we as frieunen by 'n oar benne,
 Mat er ek in sangkje by.
 Frienskip ken ûs nocht forswietsje,
 En in frolik frienskip-lietsje,
 Dat bînt ommers elke kear
 Us op ny de herten gear, gear, gear,
 Us op ny de herten gear.

Mei 'n oar libje, mei 'n oar sionge
 Mei in gol opriucht gemoed,
 Dat jowt wille oan alde en jonge,
 Dat docht ûs it herte goed.
 Ja, dat ken in letter dagen
 Sels yet swiete fruchten drage,
 Hwent dat frisselt mear en mear
 Us de frieneherten gear, gear, gear,
 Us de frieneherten gear.

Yet ris frieunen, yet ris sionge!
 Libje frienskip! libje freugd!
 Freugde en frienskip, onbitwongen,
 Is bihoeft for de jeugd.
 Lit mar oaren grine en kleye,
 As wy by 'n oar wêse meye,
 Bînt de siongnocht mear en mear
 Us de frieneherten gear, gear, gear,
 Us de frieneherten gear.

MINNEKLACHTE.

Wise: *Kom vrienden, laat ons varen
Naar Noord-Amerika.*

Nou ha 'k it foar de nieren,
En dat om Japke skroar.
Mîn bloed flucht troch mîn ieren
As siedend baergesmoar.
Ik seach hiar jister rennen,
Nou piipje 'k as in mosk,
Hwent al mîn sounne sinnen,
Benne as in tisebosk.

Hiar eagen, as twa lampen,
Ha my it hert toskroeid;
As flaechs troch 't brakend stampen
Ben ik fen hiar toknoeid.
Ik frees ik scil fordruye
As bokkens in de reek;
Gjin houn wol my bikluye,
Sa meager ben 'k en bleek.

Ik nim gjin sprusel iten,
It smoken ben ik ba.
To nacht ha 'k skriemd en kriter
In amerfol of twa.
Ik plôkke my de holle
Keal as in terskers-flier;

Men ken in kjêssen folle
 Mei al mîn útskoerd hier.

Blient dat sa yet in poaske,
 Den siikje 'k gau in strop,
 Of 'k fret, sa wier, in doaske
 Fol lucifers mar op.
 Hwent lieaver sîket Ane
 Sîn libbens-ein mar gau,
 As dat ik scoe torane
 As bûter op 'e strou.

Koe 'k mei mîn bearen, famke!
 De bast fen 't hert dy slaen,
 Dat scoe mîn libbens-lampke,
 Sa tor, wer olie jaen.
 Mar litst dy net bitwingje,
 O, leau my, Japke-liea!
 Den siuchst my yette hingjen
 Wol tsien jier foar mîn dea.

OM 'T JILD TROUD.

Wise: *Ik ben verwer, ik ben striker.*

Dy sîn hert en sîn fortrouen
 Set allenne op 't ierdske goed,
 Komt it ier of let to rouen,
 Hwent it is mar ebbe en floed.

Dy 'n opruchte lieafde het,
Siucht op jild en rikdom net.

Wol in feintsje dêr om frye,
O, den rent er licht in 't net!
Hwent den ken er gau ien krye,
Dy forkearde sinnen het,
Dy him pleaget, dei by dei,
Mear as 't jild forgoedsje mei.

Goasse wier alheel op 't stoeltsje
Do 't er Syke habbe scoe;
Nuvre rap wier him sîn smoeltsje,
't Wier as neat him deare koe.
Modder wier der oan 'e kloet,
Dat, tocht him, makke alles goed.

Mar o fy! gjin mannich wiken
Wier hy mei dat froumensk troud,
Of ûs Goasse jowch al bliken
Dat sîn domme stap him rout;
Hwent it wîfke hie 't bifel,
Goasse wier nen grevel tel.

Altiid kefje en altiid tsiere
Ken dy fûle fegebeart;
Smoarch en slof it hûs troch sliere,
Hwent hia het nen grevel leard.
Goasse rent forwesen om,
Hwent hy het it lang net rom.

Goasse dat 's in wollen lape,
 Hia sa finnich as in krib.
 Hy wirdt heel end al fortrape
 En hy kryt net folle in 't rib.
 Goed biskie wirdt nea him jown,
 Hy is stokdweil, hy is houn.

Tink ris ta, hwet scil 't him spite!
 Mar hy is der nou oan fêst,
 En hy ken it nimmen wite.
 Hied er mar sa blin net wêst!
 As er hiar forruilje koe,
 Wit ho hird hy renne scoe.

Feinten, as jimm' troue wolle,
 Siikje in kras en snipper wiif;
 Siikje ien mei in sounne holle,
 En dy hannen het oan 't liif.
 Jild is nochlik as men 't het
 Mar it is 't foarnaemste net.

OP IN BRILLOFT.

Wise: *Zonder liefde, zonder wijn.*

Trouen komt fen fryen meast,
 Dat is faek al slage.
 Is 't soms grappery in 't earst,

't Ken sîn fruchten drage.
 Nimmen, dy 't for 't winskjen hie,
 Scoe allenne blieue;
 Hwent in menske is net fen strie,
 Dêrom mat er troue.

Die men oan it trouen quea,
 Doom'nys woen' 't net lye,
 Wier it fer de soundheid skea,
 Dokters scoene 't mye.
 Hie de skatkist skea der by,
 't Waerd forbean mei wetten,
 Hind're 't heel de maetskippe,
 Follen dy 't biletten.

Trouen jowt in bulte nocht;
 Hwa 'r op skimpe meye,
 Dy 't mei suv're lieafde docht,
 Scil 't him net bikleye.
 Elk op ierde het wol lêst
 Nou en den to dragen,
 Mar it houlik bringt ûs fêst
 Felle blide dagen.

Folle wille, ny jong pear!
 Matte jimme smetse;
 Ongemakken, siikte of sear,
 Matte jimme n't reitse.
 Belroas, jicht of sukk'lery
 Koarts of kjiesepine,

Scille jimme, hoopje wy,
Nea net onderfine.

Dat jimme altiid mar de romt
Fen ríkedaelders barre;
Dat de frede, ho 't ek komt,
Bliet in 't hûs biwarre;
Elk ta frien, in goed bisten,
Lang by elkoar bliet!
Pearke, wirdt dat jimme lean,
't Boask seil jimme n't rone.

YET IN BRILLOFTSANKJE.

Wize: *Ich bin der dokter Eisenbart.*

Elk op didse ierde fryt en trout,
Dat fêst in bulte wille jowt;
En fryde en tronde er nimmen mear,
O fy, hwet wier de wrald den near.

Mar bliet it fryen in 'e swang,
En wirdt gjin ien fen trouen bang,
Den bliet er fleur en nocht bisten,
Den ken men faek to brilloft gean.

Hier is al wer in ny jong pear,
 De fryery boun hiar ek gear,
 En 't houlik liket moai hiar ta,
 Dêrom mat elk hier wille ha.

Ontfang fen hwa hier wêse mei,
 De segenwinsk op didse dei!
 Hwa is 't dy nou net frolik seit:
 Gelok, o Brêgeman en Breid!

DE TOFREDEN WIRKMAN.

Friennen, ja ik wol 't witte,
 Thûs by wiif en bern to sitten,
 Dat is 't hwet my haegje ken,
 Dêr hald ik it measte fen.

Wol licht mannich-ien 't net leaue,
 Ik seil in 't gelove bliene,
 Dat in stille hûslikheid
 't Lok for troude mensken leit.

Mânlin dy hiar hûs ontrenne
 Leau 'k net dat de riuchte benne.
 Ik mei altiid wiif en bern
 Graech mar om my hinne sjen.

Mat ik moarns al mei de sinne
 Ut de koai en 't wirk bigjinne,
 Dêrfor hab ik op 'e joun
 Altiid tank în oerfloed foun.

Ha 'k de dei lâns iv'rich bodde,
 Kom ik thûs mei skeppe of lodde,
 'k Fîn den în mîn eigen hûs
 Altiid wille by de rûs.

'k Siuch ho bliid mîn bern den benne,
 As se my tomiette renne,
 Ho mîn wifke fol fen nocht
 For it jounmiel skrept en docht.

En den wirdt er foart nei iten
 Yet in nochlik ûrke sliten;
 Ik fortel den 't ien of 't oar,
 Of ûs jongkje lêst hwet foar.

'k Merk den ho mîn berntsjes leare
 Nutte kennis, deugd en eare,
 Dat ûs op 'e libbens-wei
 Ommers net ontbrekke mei.

Sa glîdt gau de tiid er hinne.
 Om 't wy moarns net waerloas benne,
 Gean wy jouns bytiid to rêst,
 En den sliepe w' altiid bêst.

Ha wy goede of minne tiden,
 Stof ta rou of ta forbliden,
 't Wiif en ik, wy stîpje elkoar,
 Keare de onrêst bûten doar.

As we in swierrichheden sitte,
 Scoe 'k dêr 't wiif for riede litte,
 Dy sa 'n bulte docht for my?
 Nê, dêr hie 'k gjin frede by.

Nê, hwet wy ek habbe of misse,
 Foarspoed of bikommernisse,
 Ik stean hiar in alles by,
 Hia forbliidt en treastet my.

Troch de sorgen wei to jeyen,
 Ha wy selde stof ta kleyen,
 En ûs lieafde blient bistean,
 Ho de dingen oars ek gean.

Altiid tankber oan de Algoede,
 Stelle wy ûs in sin hoede.
 Halde 'm elk mar dêr oan fêst,
 Dat bisparre in bulte lêst.

IT FORLEGENE FAMKE.

Och mem, hwet ben ik freamd fen binnen,
 Ik wit, sa wier, net hwet my let;
 Der spilet my hwet in mîn sinnen,
 En hwet it is, ik wit it net.
 Mîn bloed skint op 'e ren to wêsen,
 Den wird ik read en den wer bleek;
 Oan nayen, breidsjen noch oan lêsen
 Ha 'k nocht, sa ben ik fen de streek.

'k Seach lêsten op in moarn in 't stille
 Twa doukes bortsjen lang oan ien.
 O, tocht ik, hie ik ek sa 'n wille,
 Den wier mîn onrêst, leau ik, dien.
 Op 't lêst kaem Siouke troch de fenne,
 En do 'k him seach do stie 'k bistoarn,
 Mar ringen glûpte 'k stiltsjes hinne.
 Sids memke, die 'k wol goed dêr oan?

'k Siet jister in my sels forgotten
 Oan de igge fen de wîde feart;
 Dêr kaem hy troch de mantel setten:
 O sei, hwet seach ik do forheard!
 Hy neamde my sîn lieafste op ierde,
 Hy jowch my 'n patsje, yet ris ien.
 'k Waerd read, mar doarst him net forbiede;
 Sids memke, ha 'k dêr goed oan dien?

„Maryke,” sei er do, „ik sette
 Op dy al lang mîn hert en sin,”
 My tocht, do fiede 'k hwet my lette,
 En dêrom warde 'k ek net tsjin.
 'k Ha frieunlik mei him praet en lake;
 'k Ha mei him loddrich wêst en grien,
 Ik hab him patte wit ho faken;
 Sids mem, ha 'k dêr ek quoa oan dien?

S Ê M A N S O F S K I E.

Wise: *Napoleon waar zift gij gebleven.*

Yet ienkear de sé in, mîn lieafste,
 Mîn lieafste, yet ienkear in sé,
 Den meitse wy fleurich togearre,
 Togearre ûs boask-boatsje ré.
 Us alden dy winskje ûs de segen,
 De segen, de rêst en de fré,
 En wy benne mei 'n oar tofreden,
 Tofreden en wol op' ûs dré.

Yet ienkear de walfisk harpoenje,
 Harpoenje de walfisk in 't Noard,
 Den kom ik werom mei mîn oerwinst,
 Mîn oerwinst fortsienne in dat oard.
 Den rop ik fen fierren: Mîn lieafste,

Mîn lieafste, tink om ûs akkoart!
 Dîn kar foel dôch fêst op gjin oaren?
 Gjine oaren kaem dy wis oan boart?

Yet ienkear 't gefaer fen de weagen,
 't Gefaer fen de weagen trochstien;
 Mîn lieafste, den wirdste mîn wifke,
 Mîn wifke, sa lieaf en sa grien.
 En hearre wy letter fen skippen,
 Fen skippen in 't needwaer forgien,
 Den sidse wy tankber: de Heare,
 De Heare het goed oan ûs dien.

Yet ienkear troch iisskos en branning,
 Troch branning en iisskossen stiûrd.
 'k Hier den in 'e boerren in hûske,
 In hûske bihindich en goed.
 En as wy togearre dêr libje,
 Dêr libje sa nochlik en froed,
 Den krye wy, hoopje 'k, in jongkje,
 In jongkje dat lieaf dy oan loert.

Yet ienkear moast Jelke nei *Griën lân*,
 Nei *Griën lân* en de iisskossen tsjen;
 En 't doerre net lang, do kaem Rinske,
 Kaem Rinske him hier wer to sjen.
 Hia boaske mei him en hiar wille,
 Hiar wille dy gîng net forlern,
 Hia fielt by hiar Jelke hiar fleurich,
 Hiar fleurich by mûtele bern.

Yet faken siongt Jelke sîn sangkje,
 Sîn sangkje, sa bliid as er mei.
 De fammen dy harkje dêr yette,
 Dêr yette sa graech eris nei.
 Hwent mannich-ien sêman dôch blieut er,
 Ja blieut er for altiid mar wei;
 Of komt ek sa trou net as Jelke,
 As Jelke sîn warden iens nei.
Nei 't Flaemsk fen DE LAET.

S A N G K J E.

Wise: *Wat is een man al zonder vrouw.*

Ik woe wol dat 'k in famke hie,
 Dat sa my haegje koe,
 Dat hia boppe al my dierber wie,
 Dat 'k oars gjin habbe woe.

Ik ren nei Griet, ik ren nei Tiet,
 Hia benne beide bêst,
 Mar gjin fen beiden, dêr 'k my yet
 Oan halde ken for fêst.

Hwent Sibbel, Janke, Siouk of Trin,
 Dêr gean 'k soms ek wer mei;
 Oan alle fammen, wêr 'k se ek fin,
 Fiel ik my like nei.

Wêr yet dy alderlieafste sit,
 Dy 'k nimme scil for kar,
 Wêrfor 'k alle oaren renne lit,
 En hald my fêst oan hiar?

In engelinne, dy my swiet
 Mei lieafdetriedsjes lôek,
 Dy 'k for gjin jild wer farre liet:
 Dat 'k sa 'n ien hie, dat woe 'k?

Den wier de fryerye my
 Gjin gekkerye as nou,
 Den hie 'k it wiere doel er by;
 Dat wier: opriuchte trou!

Och hie 'k dy skat mar ringen foun!
 Hwent sok in los gefry,
 Sok swabjen sonder doel in 't roun,
 Forfeelt en hindert my.

—

IN FAEM OP SKIEN POMPIER.

—

Wise: *De wereld is in rep en roer.*

Hark, friske feinten, hein en fier,
 Ik wit in faem op skien pompier,

Dy ken hast net mear wachtsje;
 Wol immen graech in hertlap ha,
 Och gean er den mar gau op ta!
 Oars mat se yet fersmachtsje.

Hia het nou in in wike of saun
 Gjin fryer onder de asem hawn,
 Dat ken se hast net hirde,
 Hia het in biusteren forlet:
 Och, feinten, wês dôch gau biredt!
 Dat sloof mat holpen wirde.

It is, for hiar net út to stean,
 Om sneintejouns op bêd to gean,
 Om healwei tsienen hinne;
 En dôch, dat mat se kear op kear.
 As 't langer doerret seil se n't mear
 Fen hertsear sliepe kenne.

De fryers tinke nou misskien:
 Dat is den fêst in raren-ien!
 Licht tige onsiuch fen holle;
 Licht mist se wel ien fen de fiif,
 Of is onfôege tor en stiif,
 Of bromt allik in bolle.

Né feinten, dat is lang net wier!
 Hwent altiid siucht se like blier;
 Hiar eagen benn' twa pfltsjes;
 Hia stiet sa krudich op hiar ein,

En is fen lea sa kreas en kein
As skoarstienmantel-bildjes.

En as se by in fryer sit,
Ho hia hiar den to flyen wit,
Dat mat onbîdich wêse!
Den is se n't stiif as hout of stien,
Mar krekt sa flant'rich en sa grien
As lange wiete gêrsen.

En o, hwet is hiar tongkje glêd!
Dat rept se hinne en wer sa rêd,
It is hast net to leauen!
Sadat se siker, as se woe,
For klappermounle tsienje koe,
Om rotten to fordrieuen.

Ek is se in riuchte modepop;
Hia pronket sneins hiar biuster op;
Hia wit hwet nye swier is.
Hia blinkt fen lint en strîkjies sa,
Dat elk er út bigrîpt, dat hia
To keap en ek to hier is.

Ho mannich feint, dy nacht en dei
Sîn sinnen quelt en quînt hast wei
Om ien oanbidlik famke,
Dat net for him to kryen is:
Hy bînt him oan in strie, dat 's wis.
Gean nei dit loddrich lamke!

Hia scil him treast jaen in sîn smert;
 In iepen mûle, in iepen hert
 Scil hia him stellich biede.
 Wol immen graech ris nei ien ta,
 En wit er sels net goed nei hwa:
 Ik doar him hiar wol riede.

Hwent keken is se in 't minste net;
 Né, komt er ien by hiar, dy het
 Mar steat er op to meitsen,
 Al is er oeral oars forspein,
 Al roan er blaukes, snein op snein, —
 By hiar wer klear to reitsen.

Hia stifurde nea nen fryer wei;
 Hia wit er sels wol rieden mei
 Al komme er twa of trye;
 Ek den scil elk — der is gjin noed,
 Hwent hia forstiet hiar saken goed —
 Fen hiar sîn deel wol krye.

Hiar wenpleats sids ik jimme net.
 Hia komt op elke merke en pret;
 Soms ek in freamde tsjerken;
 Hia laket folle en siucht hwet gleaun.
 Nou ha 'k se goedernôch biskrieun,
 Om gau hiar op to merken.

Licht skint it jimme nuver ta,
 Dat sa 'n geriflik faem as hia

Sa lang op skien pompier is.
 't Komt troch in misbigrip fen hiar:
 Hia het de fêste miening mar,
 Dat 't altiid skrikkeljier is.

En folle feinten habbe in sin
 Sa wondre freamd, dat hia dêrfen
 Alheel ôfkearich benne;
 Mar as in faem, foar 't each der wrald,
 Hiar fûr hwet ond'r 'e yeske haldt,
 Den well' se er lieaver hinne.

As 't haske, sonder dat it roan,
 Him krye liet fen elk dy 't foun,
 Hwet nocht wie 'r den oan 't jeyen?
 Riu fammen ha dat foar 't forstân;
 Mar ek goeds benne er in ûs lân,
 Dy 'r wol om tinke meye!

F O A R B Y.

Wise: *Er is een bloem van hooge waarde.*

Wêr benn' se nou, dy lieave blommen,
 Fen kleur sa moai, fen geur sa swiet,
 Dêr 'k, as ik moarns hier plicht to kommen,
 My nochlik troch forquikje liet?

Hia benn' fortorre en foelen ou;
De wintersnie bidekt hiar nou.

En wêr nou al dy fûgels benne,
Dy mei hiar helder klinkend liet,
Roan ik in de iere moarn hier hinne,
My treasten in mîn stil fortriet?
De fûgelfanger, mei sîn net,
Is 't dy, sa wreed! hiar fongen het.

En wêr scoe nou dat famke wêse,
Dat dêr in 't lân de glêdde ky
Den molk, en trippele oer de gêrsen,
En song er faek in sangkje by?
Hia bliet, by 't winterwaer sa goar,
Krekt as de ky, nou binnen doar.

Foarby is al mîn stille wille,
Dy 'k mannich simmermoarn hier hie.
Mar scoe 'k mîn tiid onnut forspille?
O, né! ik wit yet wol in rie.
'k Scil sjen as 'k hiar net fine ken,
En sids hiar dat ik hiar bimin.

En biedt hia my den lieafde en troue,
Den jowt my ek de winter nocht,
Den scil ûs wille jimmer bliue,
Howol ûs bêste fleur forfliucht.
Gean 'k hier den hinne simmerdei,
Den nim ik hiar, mîn lieafste, mei.

En as hier den de fûgels sionge,
 En blomkes pronkje wer op ny,
 Den sids ik: al it moaye jonge
 Giet krekt as 't simmergrien foarby.
 Mar fêste trone, lieafste bern!
 Giet troch gjin winterkeald forlern.

FRYERS - SANG.

Wise, *Schilder, 'k wou mij zelven zien.*

'k Ben in frieun fen fryery,
 'k Hald fen famkes folle,
 Mar for fêst scoe 'k yette my
 Net forbine wolle;
 Ik doch as in flinter docht,
 Dy fen blomke op blomke fliucht;
 't Mat by fryen blieue,
 'k Wol yet lang net troue.

't Is to gek, dat sids ik mar,
 Om in faem to grinen;
 Oeral is in bulte kar
 For in feint to finen;
 Ben 'k er op bigien, ik ha
 Gau oan elke finger twa;

Scoe 'k om ien den kleye,
En mîn lok forjeje ?

Ken ik moglik by Mary
Ginst noch frienskip winne,
Nou hawar! hwet maelt it my?
'k Lit sa 'n fiske renne.
'k Gean nei Lîsbet, dy forwis
Net in sierke minder is;
Licht mei dy my lye,
'n Wol hiar nei my flye.

Lokt it likwol ek al net
Lîs ris oan to krûpen,
Dêrom ben 'k yet net biredt
Om my to forsûpen.
'k Siuch dat 'k wer in oaren fin,,
Japke, Rinske, Saep of Trîn;
'k Tink oan ien fen allen
Dêch wol to bifallen.

Tsjerken benne er tige rom,
Fammen yette rommer;
Dêrom tinkt my, 't is to dom,
Dat 'k my 'r oer bikommer,
Al bislacht it somtiids tsioed;
Hwent ik wit it al to goed,
As al de iene traech is,
Dat wer de oare graech is.

'k Siuch op jild en pronkjen net;
 Hwet ken my dat skele?!
 By ien dy nen gaven het
 Scoe 't my dôch forfele.
 Né, ik fry om kleare nocht;
 Dy út greatskens my net siucht,
 Dy scil 'k wol hwet mye;
 Ik ken wol goeds krye.

En as ik den op it lêst
 Ek ris tink om trouen,
 Nou, den nim ik ien for fêst,
 'k Hoopje sonder rouen.
 Ha 'k oeral de rounte dien,
 Den wit ik, sa goed as ien,
 Wêr de bêste benne:
 Sa 'n ien gean 'k den hinne.

M A R Y K E.

Wise: *Kom volkje, koop van mij!*

Maryke dwaelde roun
 In 't stille fen de joun.
 Hia tocht om wit ho folle;
 Dat Rouke net mear kaem,

Dat siet hiar in 'e holle,
 Dêr hia 't heel nei hiar naem.

Wêr dat oan lidse mei?!
 Hy gîng dôch by my wei,
 Sa gol en wol tofreden
 Krekt as er altiid die,
 Sadat ik neat gjin reden
 Om erch to tinken hie.

En dôch hy komt net wer;
 Hwet dêr oan skeelt, sje dêr,
 Ik ken 't my net binye!
 Sa lang er by my roan
 Ha wy ta tsierderye
 Yet nea nen reden foun.

Hie 'r quea fen my fornômd,
 Och, wie 'r mar by my komd
 En hie my dat forhelle!
 Ik wit it, den scoe 'k him
 Wol gau to freden stelle:
 Mar dit is al to slim!

Hia woe hwet fierder gean:
 Dêr bleau ien foar hiar stean,
 Dy sei: Mîn alderbêste
 Forjow, forjow it my,
 Al 't leed datste útstien heste!
 Ik wier to wreed oer dy.

Der waerd my stielich sein,
 Dat soms din boerfeint Rein
 In stilte dy forsochte;
 Dat die my bare sear,
 Wêrom ik dalik tochte,
 Ik kom er mar net mear.

Mar o! ik wit it nou,
 't Wier laster al to grou.
 Dîn hate in pleats fen minne
 Wier nou mîn billik lean;
 'k Roan trurich om allenne,
 Mar 't wier net út to stean.

Mary, forjowste 't my? —
 Och Rouke, sei se, swy!
 Dou mast mîn lieafste bliue,
 En 'k fal dy nimmer hird;
 Ik hoopje, dat ûs troue
 Nou yette fêster wirdt.

Dat, famke! hoopje 'k mei,
 En nea scil ik tonei
 Nei falske tongen harkje.
 Ik wol ienkear mei dy
 In 't houliksboatsje farkje,
 Mîn eabelste Mary!

Dat, Rouke, winske 'k lang,
 En dêrom wier 'k sa bang,

Dou scoest my nou forlitte.
 Mar didse blide joun
 Dy seil ik nea forjitte,
 Dy het ûs wer forboun!

B L O M M E N

Wîse: *Fen alle lannen op 'e wrald.*

Ho moai en lieaflik is 't oeral,
 As bliere blomkes sonder tal
 It griene lân forsiere,
 En as in hage en bosk roun-om,)
 Op beam en heester, stiif fol blom,) *twa kear.*
 De fûgels quinkeliere.)

Dôch moayer yet is, siker wier,
 In bûldrich famke, jong en blier,
 Fen inborst seaft as side.
 Gjin blom, dy 't dêrtsjin halde ken;)
 Troch sok in blomken oan to sjen,) *twa kear*
 Fielt elk sin hert forblidde.)

Nei HÖLTY.



A I N H A L D,

	Blêds.
Mink mei 't Orgel	3
Frislân	5
Fen in frolik Feintsje en in aerdich Famke . . .	7
By de Hage	11
It Famke en it Roaske	13
Klaes en Oebele Griet	14
Ealses Klachte	18
De trone Faem	20
Selskips-Sangkje	21
Minneklachte	23
Om 't Jild trouw	24
Op in Brilloft	26
Yet in Brilloft-Sangkje	28
De tofreden Wirkman	29
It forlegene Famke	30
Sémans Ofskie	33
Sangkje	35
In Faem op skien Pompier	36
Foarby	40
Fryers-Sang	42
Maryke	44
Blommen	47

FORBETTERINGEN.

- Side 8 rîgle 8 fen boppen stiet: leit mat wêse liet.*
„ 9 „ 7 fen onderen „ wa „ „ sa.

